

中國方志叢書·華北地方·第一一八號

據民國國賈毓鶚等修王鳳翔等纂影印
民國六年鉛印本

河南省

洛甯縣志

(二)

成文出版社印行

中華民國五十七年八月臺一版

洛甯縣志

全二冊

定價：新台幣八〇〇元正

發行人：黃成助

出版者：成文出版社
臺北郵政信箱二二六〇五號

電話：九二二〇一〇五號
臺北郵政信箱二二六〇五號

印刷者：正大印製廠
三重市長生街二號之一

內政部登記證內版臺業字第一一四七號

版權所有

洛寧縣志卷五

列女

劉向列女傳召南申女許嫁於酈夫家不備禮而欲迎之女持義不往賦行露之詩故舉而揚之以勵貞行洛寧召南首邑遺教猶存其禦暴捐軀如顏張二烈婦之奇曲烈女之勇爭光日月大書特書固已瑰麗激烈矣至尋常貞節博體從簡然數十年青燈紅淚剛正凜肅之氣得簡編數語爲表揚榮慰泉壤焜耀鄉閭詎不足示名節之重而立廉恥之防也哉載之不嫌其多亦周官閭史之意云爾志列女

節孝

趙三妻孫氏年二十二夫亡氏矢志靡他守節三十五載永樂元年

旌表

田有秋妻楊氏年十九夫歿遺子之契甫周歲守節撫孤長娶馬氏年二十二生子勃然甫三歲之契亦歿馬氏之死無他已而勃然復早亡遺妻郭氏年二十七歲勵志守節以祖姑與姑爲法時旌其門曰一門三節

徐自化妻王氏年二十四夫亡子幼家貧依母氏以居紡績餬口閉戶不出守節五十餘年

趙耀妻徐氏子漢卿妻李氏兩世孀節其曾孫建極奉詔旌表傅宣妻侯氏年二十一夫歿鄰富欲娶之宣兄璘將許焉氏聞大慟以首觸地絕而復甦夜半自縊房中家人驚覺救免璘由是不敢復言勤家務撫教二子宏治十六年旌表

諸生梅九芝母賈氏事姑舅至孝姑病且殆忽思紫蘇羹時嚴冬大雪氏流涕步禱求之至嶽廟得焉和羹以進姑疾尋愈

趙亮妻吳氏亮死氏年二十子繼賢方在襁褓甘貧茹苦鞠育教誨長官保定府通判母年九十二卒奏蒙旌表

韋江妻譚氏年十九夫歿氏毀容垢面撫育孤兒名尙質母年六十餘卒旌表

諸生陳鵠妻趙氏年二十三夫卒氏日勤紡績課三子耕讀皆成立廩生鎖一理妻梁氏年二十夫故欲殉者數四子青縉方五歲親族勸之撫孤氏悟乃携提青縉口授字句卒時青縉舉進士仕至長沙道

雷國玉妻金氏年二十一夫故養姑撫孤淡泊刻苦不與宴會者四

十年

廩生李學禮妻魯氏年二十七夫故家貧事繼姑孝課三子耕讀苦

節四十三年

田生玉妻宋氏 王之臣妻牛氏皆建坊旌表

諸生王澤遠母趙氏澤遠甫二歲父卒母年二十家貧苦節歷五十餘年

邢禹言母趙氏與王澤遠母姊妹也年十九喪夫族人利其產逼改嫁誓死守節七十年如一日

郭乾亨妻全氏二十七歲夫死遺子二尚在襁褓氏誓不改適撫育成立六十八歲終

王廷譽妻趙氏年二十五夫卒子尚幼守節撫育七十一歲終

諸生鎖珍妻李氏年二十二夫故生一子一女甫五月守節奉姑董子成立子八歲殤痛悼致疾病篤泣語姑曰遺女有姑在無慮惟不得事姑終身爲恨耳比斂兩目尙不瞑

諸生鎖瑜妻王氏年二十一夫爲寇所殺聞變痛哭幾死子孟春生甫周歲守節撫養後四年流賊破城母子遂相失或有諷以他適者痛哭曰吾守死以待孤還已耳久之孟春自黃州府歸

曹英妻吉氏適英生二子英病卒氏年二十四家貧守節六十年以終萬曆四年旌表

廩生徐方妻尙氏夫故家貧撫孤守節四十年
以上見舊府志

貞烈

張廷仁女廂兒幼許聘王自選年十四未配自選以事繫獄死女欲赴柩所死父母知之不與往女泣曰兒固王郎身也義當爲王郎死父不許女志益堅一日投僻室自縊卒父母乃以屍歸王與白選合葬嘉慶十九年知縣李元上其事令建祠祀之

張門七節張讚妻郭氏城陷罵賊被殺妾趙氏子婦程氏姪婦史氏及妾盧氏二女俱死

諸生馬雲錦妻鎖氏長沙道鎖青縉女慧而賢明末寇攻王范寨氏年二十有四毅然曰吾豈可緩須臾死耳賊之言見賊之面乎遂投井死婢逃出傳其事婦女感而投井者甚多

李氏李國臣女年及笄未嫁流賊至愛其姿色挾至馬上女大罵自墜馬數次賊怒剗去一目復擁之上馬罵愈厲並兩目剗之女仍

大罵賊遂斫爲三段以死

張世延妻史氏流寇陷寨世延被殺氏抱夫屍哭亦遇害

趙宗周妻王氏徐自化妻王氏之姪女也適趙甫二年夫故誓以死殉姑防之密氏少進飲食俟防者稍懈乃密持砒霜入酒中飲之死於柩前隆慶四年奉詔旌表附祭會城貞烈祠

金臺用妻劉氏年二十三夫故金臺選妻趙氏年二十一夫故俱苦節歷三十餘年流賊破城攜手投井死

謝君錫妻鄭氏年十九夫歿預斂時欲入棺以殉不得復投於壙親屬強之還一日密紉衣帶夜給保姆往視姑寢登樓自縊死嘉慶三十一年旌表

御史張論側室石氏性明決知大體流賊攻縣城語侍婢曰吾忝大

臣巾櫛誼不可辱賊手城破投井死比賊退出井中顏色如生御史甯承勳題請旌表

諸生趙子莘妻張氏聞流賊將至以死自誓城破同女赴井死

張璿妻郭氏都御史郭景昌女年十四歸璿事舅姑孝甫婚二月流賊逼承甯語璿曰狂賊至請先畢命璿止之氏厲聲曰妾一身兩家名節所係決無辱賊手指池水曰此妾死所也語畢遂躍入以死題請旌表

高平知縣韋炳妻程氏居爨底寨流賊至語炳及二子汝父子各自爲計無慮我指寨旁深崖曰此吾死所也賊進寨卽先投崖死

金世林妻李氏諸生趙威如妻朱氏皆以流賊破城投井死諸生趙廷樞妻金氏自刎死

諸生孟國賢妻李氏夫故撫孤守節二十年流賊破城赴火死

程養味妻康氏興安總兵福亮母養味早卒氏少寡以苦節稱明末盜起嵩縣蔣雙溪等衆數千陷東宋寨執氏脅之氏大罵不屈投崖死越二月里人刨崖下屍皆腐爛惟氏容色不變如笑語狀衆異之負而葬焉後以子貴贈太夫人

劉明序妻段氏年十八夫故誓不他適有議婚者輒峻拒之未幾翁姑私受人聘約期遣之氏覺遂自縊鄰婦救之復甦是夜竟扼吭死

張詔妻譚氏流賊破城詔罵賊死譚亦投井死詔張論之弟也
節孝

廩生韋履禮妻廉氏履禮早亡氏年二十八歲誓以身殉姑再四溫

慰力勸乃止家貧紡績度日姑有疾侍奉湯藥衣不解帶歷久彌篤教兒成立雍正四年題請旌表

韋履禧妻王氏年二十五歲夫歿孀姑弱息家貧無依誓無他志卒以節孝裕後光前苦節四十年雍正十二年旌表入祠

鎖門雙節庠生鎖瑜妻任氏年二十一而寡事姑盡孝子去矜亦早卒與媳張氏同撫孤孫任苦節五十年張苦節三十六年乾隆元年姑媳彙題建坊旌表

趙門三節趙從義妻姚氏崇禎十三年夫死於流寇時氏二十八歲遺孤國鼎饑饉顛沛皎志不磨卒以完節昌後明經湊諸生淳皆其孫也淳娶妻閻氏淳沒時閻年二十七歲紡績餬口撫湊孫繼祖奉祀繼祖又早歿妻齊氏年十七斷髮自誓共持苦志是爲三

節學使蔡旌其門

王氏雙節王廷璧妻李氏年十九夫故撫姪爲嗣矢志守節歷四十年王廷璽妻衛氏年十八夫故與婦嫂李氏相依亦撫姪爲嗣守節踰三十年

趙門雙節生員趙應斗妻楊氏年二十六夫故守節四十餘年子文蔚早歿媳楊氏年二十而寡與姑同志亦守節四十五年學使汪旌其門

進士馬起龍妻趙氏年二十六歲夫故勵志守貞上事衰舅下撫弱孤邑令顧旌其門

張懷宗妻劉氏年二十一而寡守節三十五年教子振武入邑庠乾隆七年建坊旌表

韋蓋妻雷氏年二十六歲夫歿遺孤姪亦早失怙恃氏皆撫育成立
爲之婚娶守節四十餘年乾隆九年建坊旌表

吉道妻楊氏二十六歲夫故子帝廷甫十月苦志撫孤卒能成立守
節四十餘年乾隆九年建坊旌表

王籍妻李氏年二十歲夫歿孝親撫孤守節三十七年孫印邑庠生
乾隆十年建坊旌表

李光省妻加氏年二十八歲夫故一歲撫孤子矢志守節苦歷五十
五年

李培初妻廉氏年二十二歲夫故事衰舅撫遺孤守節苦志四十餘
年子光儀爲邑增廣生學使張旌其門

徐璋妻張氏年二十四歲夫故事姑杜氏孝繼姑有瘋疾氏尤曲盡

孝養守節三十一年訓子洪禮爲諸生學使張旌其門

馬畫易妻趙氏年二十三歲夫故守節五十五年

吉無愆妻王氏年二十三歲夫故遺子吉珍孤苦無依氏紡績撫之
成立苦節三十餘年

馬盡節妻衛氏年二十二歲夫故子經邦甫二歲氏勤儉自持撫孤
守節三十餘年

山賓妻楊氏年二十二歲夫故子文盛甫一歲守節二十九年

李雍妻楊氏年二十一歲夫故子士傑又早亡守節四十餘年邑令
旌其門

張漣妻楊氏年二十二歲夫故子大志生未周歲撫之成立守節五
十餘年學使張旌其門

夏福洪妻趙氏年二十七夫故撫姪爲嗣守節五十餘年伯叔妯娌相繼疫死者九人氏皆竭廩殯葬知縣郭旌其門

德清縣丞趙應嵩妻范氏夫歿官署氏年二十八歲扶櫬還鄉守節四十餘年

趙廷璧妻許氏年二十三歲夫故守節四十餘年

李如猷妻王氏年二十七歲夫故守節五十餘年

趙永福妻馬氏年二十一歲夫故子細尙未周歲撫之成立爲邑庠生守節三十餘年

郭穀璧妻馬氏年十九夫故守節五十餘年

田嗣育妻趙氏年二十夫故守節四十餘年

徐洪貴妻楊氏年二十二夫故守節四十餘年學使張旌其門